

Iroun Beretitenti Henry B. Eyring
Moan Kauntira n te Moan Beretitentii

Kakaitau ibukin te Tabati

Ibukiia Aika a Itiaki ni boong aika Kaitira, te Tabati bon te bong ni kakaitau ao n tangira.

Tariu ao mwaneu aika maenako ni kabuta te aonaaba n ana Ekareti Iesu Kristo Ibukiia aika Itiaki ni boong Aika Kaitira, I kakaitau bwa Beretitenti Thomas S. Monson e tuangai bwa N na taetae n te maungatabu n te Tabati aei. I tataro bwa te Tamnei ae Raoiroi e na uota au taeka nako nanomi.

N te bong aei I tangiria n taetae iaon namakin n te nano. Teuana are I kan boboto iaona bon te kakaitau—ni kaineti riki nakon te bong ae te Tabati.

Ti kakaitau ibukin bwaai aika a mwaiti: ana akoi te iruwa, te amwarrake ngkana ti baki, katanara man te buaka ngkana e kaoti te buaka, maon te rii are e mwaoto, ao tangin te merimeri are e a tibwa bungiaki. A mwaiti ibuakora aika a na uringi namakin ni kakaitau n taai aikai.

Ibukiia Aika a Itiaki ni boong aika Kaitira, te Tabati bon te bong ni kakaitau ao n tangira. Te Uea e tuangiia aika Itiaki i Jackson Country, Missouri, n 1831 bwa aia tataro ao aia karabwarabwa a riai ni kainetaki nako karawa. Aika Itiaki n taai akekei a anganaki te kaotioti n aron kawakinan te bong ae te Tabati ao aron te aki mamamatam ao te tataro.¹

Ngaiia, ao ngaira, ti tuangaki iroun te Uea aron te tataro ao n anga te karabwarabwa n te Tabati. N aron ae ko kona n nooria, te bwai ae kakaawaki riki bon te tangira are ti namakinna nakoia naake anga te bwaintangira. Aikai bon ana taeka te Uea n arora n anga ara karabwarabwa ao arora n tangira n te Tabati:

“I anganiia te tua, are e kangai: Kam na tangira te Uea ae Atuami ma nanomi ni kabanea, ao korakorami ni kabanea, ami iango ao marurungimi; n aran Iesu Kristo ao kam na beku ibukina. . . .

“Ko riai ni karabwa te Uea ae Atuan ni bwai ni kabane.

Ti na riai n anga karea nakon te Uea Atuara inanon te raoiroi, e ngae ngke n te nano ae uruaki ao te tamnei ae raraoma.²

Ao ngkanne te Uea e reitinako ni kauringia man te kaangaanga ngkana ti kabwaka ni kakaitau nakon Tamara are i Karawa ao Iesu Kristo ngkai taan anga bwaintangira: “E aki kona ni kauna te aomata te Atua, ke ni kaura unna, ma ti naake aki kaotii bure Nakoina ni bwaai ni kabane, ao n aki ongötæka nakon Ana tua”³

A mwaiti ibuakomi aika kam a tia ni kunea te kukurei n te Tabati bwa te bong n uringnga ao ni kaitau nakon te Atua ibukin kakabwaia. Kam uringa te anene are kam taneiai iai:

*Ngkana a taubaraiko angibuaka,
Ngkana e bwara nanom, iangoi
maunaia,
Wareki mwaitin am bwai, atong
araia,
Ao e na mimi nanom iroun Iesu.*

*Wareki am bwai;
Atong araia
Wareki am bwai;
Noora aron te Uea. . . .*

*Ko bon tabe ni bain aon te aba?
Ao ko aki kona uotakin te kai?
Wareki mwaitin am bwai; ao
burem akea,
Ao ko na ti tabe naba n anene.⁴*

I karekei reeta ao kawaraku irouia Aika Itiaki ni Boong Aika Kaitira aika kakaonimaki ake a tabe ni bwain aon te aba. Tabeman a kaan nakon te namakin anne, tao ae mwaiti ibukiia, a iangoi maunaia ni kabane I kantningaia ao I tataro bwa are I taekinna ibukin te kakaitau n te Tabati e na ibuobuoki ni kaakea burem, ao ni waakina am anene mai nanom.

Teuana te kakabwaia are ti kona ni kakaitau iai are ti mena ikekei n te bootaki n toa, n iktaki ma ae raka iaon temanna ke uoman Ana reirei n Arana. Iai tabeman n te mweena aika aki kona n teirake man aia kainiwene. Iai tabeman aika a tangiria ni mena n te tabo are ti mena iai ma n onean mwiina a mwakuri n te onoraki ao ni karekeia te kamanoaki ke

a katanira n rinanon te kaangaanga ni maiua inanon rereua ke buakonikai. Koauan are ti kona ni ikotaki ma tabeman aika Itiaki ao n ana te toa e na buokiira ni moana namakinan te kakaitau ao te tangira ibukin ana akoi te Atua.

Ibukin te Burabeti Iotebwa Timiti ao te euangkerio are e kaokaki, teuana riki te kakabwaia are ti kona ni warekia bwa ti karekea ara tai ni kana te toa ni katoa wiiki—katauraoia, kakabwaia, ao ni kabutaki irouia ana toro te Atua ake a kariaiakaki. Ti kona ni kakaitau ngkana te Tamnei ae Raoiroi e kamatoa nakoira bwa taekan te tataro n toa, are a anga naake iai irouia te kariaiakaki n te nakoanibonga, a karineaki ioun Tamara are i Karawa.

Man ni kabane kakabwaia ake ti kona ni wareki, te kabanea ni korakora bon namakinan kabwaraan te bure are e roko man anaakin te toa. Ti na namakina riki te tangira ae korakora ao te kakaitau ibukin te Tia kamaiu, are ana anganano ae akea tokina e karekea te kaitiakaki man te bure. Ngkai ti anaa te kariki ao te ran, ti uringnga bwa E korakai ibukira. Ao ngkana ti namakina te kakaitau ibukin are E a tia ni karaoia ibukira, ti na namakina Ana tangira ibukira ao ara tangira ibukina.

Te kakabwaia n tangira are ti karekea e na kabebetea nakoira aron kawakinan tua n “ururiengng a n tainako”⁵ Ko kona n namakina te tangira ao te kakaitau, n ai arou, ibukin te Tamnei ae Raoiroi, are e a tia ni berita iai Tamara are i Karawa bwa e na memena ioura n tainako ngkai ti reitnako ni kakaonimaki nakon ara berita ake ti a tia ni karaoi. Ti kona ni wareki ni kabane kakabwaia akannei ni katoa Tabati ao n namakina te kakaitau.

Te Tabati bon te tai ae kororaoi n uringa te berita are ti karaoia n te ran ni bwabetito n tangiriia ao ni beku ibukiia natin Tamara are i Karawa. Kakoroan nanon te berita anne n te Tabati e na kaira irakin te kiraaki ke te kooram ma te nano ae bwanin ni katea te onimaki ao te tangira

imarenaia taari ao mwaane ake a mena irarikira ikekei. Te berita anne e na kaira kakoroan nanon weteakira ma te kukurei.

I kakaitau ibukin mwaitin te Tabati are I reireiniia iai kooram n riikan i Bountiful, Utah, ao aron naba te Reirei n Tabati i Idaho. Ao I bon uringa naba te tai are I beku bwa te tia ibuobuoki nakon kainnabau n te neetiuri, are bon tabeu bwa N na tibwati-bwai bwai n takakaro ao n rikoi.

Bon inanon ririki imwain are I ataya rinanon te Tamnei bwa bon ti tabeu ibukin te Uea e kakaawaki ni maiuuia natin Tamara are i Karawa. Ni mimiiu, tabeman mai irouia a uringnga ao a karabwaai ibukin au kona ae aki tau ni buokiia ibukin te Mwatita ni boong n Tabati akanne.

N ai aron are n tabetai ti aki kona n noora mwiin ara beku are ti anga n te Tabati, ti kona n aki kona n noora are ti anga teuana imwiin teuana irouia ana toro te Uea ake tabeman. Ma te Uea e katea Abanueana ma te karaurau rinaoia Ana toro aika a kakaonimaki aika nanorinano, ma te katanoata ae uarereke, nakon te mireniam ae mimitong n taai aika a na roko. E kainnanoa te Tamnei ae Raoiroi n noora rikiraken tamaroana.

I ikawairake n nanako n te bootaki n toa n te mwaanga ae uarereke i New Jersey ma ti tabeman kaina ao te utu ae ti teuana, are bon au utu. Itibwi ma nimaua te ririki n nako, I bwabetitoaki i Philadelphia n ti umantabun te Ekaretia are e kateaki ao are ti kona ni karekea i Pennsylvania ke i New Jersey. Ma ngkai bon ti teuana te mwanga ae uarereke n te Princeton, New Jersey, iai ngkai ouoa te uoote aika a bubura. Ao bon inanon boong aika a nako, ngaa kairake ake a kamataku ni karaoan te bukamaru ni katabuan te Tembora i Philadelphia Pennsylvania.

Ngke te kairake ngai, I weteaki bwa te mitinare n te mwakoro n te tabo are ti taromauri iai ni katoa Tabati n te umwantabu are ti ngaia i Albuquerque, New Mexico. N te bong aei iai te tembora ao titeiki aika aua.

I kiitana Albuquerque n nako n reirei i Cambridge, Massachusetts. Iai teuana te umwantabu ao te mwakoro are e wene ni bangaki n angii aban Massachusetts ao Rhode Island. I buti iaon maungan te aba ae tamaroa anne nakon te bootaki n toa inanon mwaanga aika a uarereke, n angii-na n auti aika tangoaki ke inanon mweenga aika tibwa kateaki. Ngkai iai ana tembora te Atua i Belmont, Massachusetts, ao titeiki ake a kabuta te aba.

Te bwai are I aki kona raoi ni mataata n noria bwa te Uea e karuoa Tamneina iaoia aomata inanon bootaki n toa aika uarereke akanne. I kona n namakinna, ma I aki kona n noora tokina ao ana tai te Uea are e tangiria ni kateia ao ni kamimitonga Abanueana. Te burabeti, man te kaotioti, a noria ao a taui mwiin bwai ake ti kona n noori ibukira. Ao e taku Nibwaai bwa ikotan mwaitia a na bon aki korakora ma te ota teutana imwiin teutana e na kona n nooraki:

“Ao e koro bukina bwa I noora ana ekaretia te Tiibu te Teei, ao e uarereke korakoria. . . .

“Ao e koro bukina bwa Ngai ae Nibwaai, I a noora korakoran mwaakan Ana Tiibu te Teei te Atua, ae e ruo nako aoia aika a itiaki aika kain ana ekaretia te Tiibu te Teei, ma iaoia ana aomata inanon te berita ae tabu te uea, ake a maenako nako aon te aonaaba; ao a irianaki n te raoiroi ma mwaakan te Atua ao te mimitong ae korakora.”⁶

Ao ni koron boong aei, kabwaraan aekan taetae ni burabeti are ti mena inanona ao tibwangara imwai-ra e koreaki n Doctrine ao Covenants:

“Kam tuai n ataia bwa mwaitira kakabwaia ake e a tia ni karaoi ni katauraoi te Tama ibukimi;

“Ao ko aki kona uotakin bwai ni kabane n te tai aei; ma kakukurei ngkami, bwa N na kaira kawaihi. Te abanuea bon ami bwai ao kakabwaia ami bwai, ao kaubwaia ae akea tokina bon ami bwai.

“Ao are e karekei bwai ni kabane ma *te kakaitau* e na kamimitongaki; ao bwain aonteaba a na raonaki

nakolina, tebubua mwaitina, eng, e na nako riki.”⁷

I namakinna bwa bitakin rikiraken te kakaitau ibukin taian kaka-bwaia ao tangiran te Atua e rikirake ni kabuta te Ekaretia. E taraa ni biri-mwaaka ibuakoia kaaín te Ekaretia n taai ao n taabo ike iai kataakin aia onimaki, ike a na bubuti nakon te Atua ibukin buokaia bwa a na waaki nako.

Taai aika ti maiu inanona a na mena iai kataaki aika kaangaanga ake a riki nakon ana aomata Aramwa iaan te buakaka are Amuron, are e katoka te rawawata iaoia are aikoa kona ni uotia:

“Ao e koro bukina bwa e roko iriouia bwanaan te Uea inanon aia tai n rawawata, ae kangai: Tabeki atuumi ao kabeebetei nanomi, bwa I ataa te berita ae tabu are kam a tia ni karaoia nakoii; ao N na berita n ae tabu ma au botanaomata ao N na kamaiuia man te tauronaki.

“Ao N na kabeebetei naba taian uota ake a katokaki iaon angami, bwa kam na aki kona n namakin iaon nukami, n ami tai n tauronaki; ao N na karaoa aio bwa kam aonga n riki bwa taan kakoaua ibuki imwiin aio, bwa kam aonga n ataa te koaua bwa Ngai, te Uea ae te Atua, I bon

kaakawariia au botanaomata inanon aia tai n rawawata.

“Ao ngkai e koro bukina bwa taian rawawata ake a katokaki iaon Aramwa ma tarina a kabeebeteaki; eng, ao e kakorakoraia te Uea bwa a na kona n uota uotaia ma te beebe, ao a karaoi nanon te Uea ma te kuku-rei ao te taotaonakinnano.”⁸

Ngai ma ngkoe bon taan kakoaua bwa te tabo ike ti kawakina ara berita ma te Atua, ai moarara riki ngkana e matoatoa, E a tia n ongo ara tataro ni kakaitau ibukin baike e a tia ni karaoi ibukira ao n tia ni kaekai ara tataro ibukin te korakora n teimatoa ma te kakaonimaki. Ao n riaon riki te tai ae bat E a tia ni kakukureira ao ni kakorakoraira naba.

Ko bae naba ni miimi tera ae ko kona ni karaoia ni maiu ao n taromauri n te Tabati ni kaota am kakaitau ao ni kakorakorako ao tabeman ibukin kataaki ake imwaaira.

Ko kona ni moanna n te bong aei ma te tataro n utu ao ae onoti ni kakaitau ni baike e a tia ni karaoi te Atua ibukim. Ko kona n tataro n ataia bwa tera ae tangiria te Uea bwa ko na karaoia ni beku Ibukina ao tabeman. Riki, ko kona n tataro ni karekea te Tamnei ae Raoiroi n tuangko temanna are e maroaa ke are e kainnanoa

buokana are e na kanakoko te Uea nakolina.

I kona ni berita nakoim bwa am tataro a na kaekaaki, ao ngkai ko mwakuri kaeka ake ko karekei, ko na kunea te kimwareirei n te Tabati ao nom E taonako ma te kakaitau.

I kakoaua bwa te Atua te Tama e ataiko ao e tangiriko. E mate ibukin am bure te Tia Kamaiu, te Uea Iesu Kristo bwa e tangiriko. Ngaiia, te Tama ao te Nati, a ataa aram ngkai a ataa aran te Burabeti Iotebwa Smith ngke A kaoti nakolina. I kakoaua bwa aei ana Ekaretia Iesu Kristo ao E na karinei berita ake ko karaoi ao ni kabou ma te Atua. E na bitaki anuam ao kona riki n ai aron te Tia Kamaiu. Ko na kawakinaki ni kaitaraakim n taian kairiiri ao n namakinan te nano-uoua ibukin te koaua. Ko na kunea te kimwareirei n te Tabati. Kakabwaia aikai ake I a katokai iaomi n aran te Uea Iesu Kristo, amen.


BWAII AIKA A NA TARAARI

1. Taraa Doctrine ao Covenants 59
2. Doctrine ao Covenants 59:5, 7–8.
3. Doctrine ao Covenants 59:21.
4. Taraa “Wareki Am Bwai,” *Anene n Taromauri* nambwa. 241.
5. Moronaai 4:3; 5:2; Doctrine ao Covenants 20:77, 79.
6. 1 Nibwaii 14:12, 14
7. Doctrine ao Covenants 78:17–19; e kairaki ma katuruturuana.
8. Motiaeia 24:13–15

Reirei Ibukin Ara Tai

Man Nobembwa 2016 nakon Eberi 2017, Reirei n te Nakoaibonga ae te Merekiteraka ao te Bootaki n Aine a rai ni katauraoaki man teuana ke e raka riki taetae ake a kanakoaki n te maungatabu ni kabuta n Okitobwa 2016. Inanon Eberi 2017, a kona n rineaki taetae man te maungatabu ni kabuta n Eberi ke n Okitobwa. A rai Beretitenti n Titeiki ao mwakoro n rinei taetae aika a na kabonganaki n aia aono, ke n anga te katabeaki aei nakon te bitiobi ke te beretitenti n te mwaanga.

Taetae a kona n reke n taeka aika bat n te conference.lds.org



Iroun Beretitenti Thomas S. Monson

Te Kawai ae Kororaoi nakon te Kukurei

I kakoaua te bwaintangira ae korakora are bon ana baire Tamara ibukira. Bon teuana te kawai ae kororaoi nakon te rau ao te kukurei.

Tariu ao mwaneu aika tangiraki, ikai n te Tienta ni Maungatabu ao ni kabuta te aonaaba, I rang kakaitau n reken te tai aei n tibwa au iango ma ngkami n te ingabong aei.

Nimabwi ma uoua te ririki n nako, inanon Turai 1964, iai tibwangau ni kaawan Niu Ioki ngke e karoaki te Kamataku ikekei Ni karangainan te ingabong teuana, I kawara te Moomon Pavilion n te tabo ni kamataku. I roko raoi imwain kaotakin ana tamnei te Ekaretaia *Man's Search for Happiness*, tamnein te babaire ni kamaiu are e a rang n ataaki n te aro. I tekateka irarikin te mwaane ae tao 35 ana ririki. Ti taetae teutana. Bon tiaki kaain ara Ekaretaia. Imwiina e a uarereke otan te taura, ao e a oti te tamnei.

Ti kakaungo nakon bwanaan te tia karaki ngke e taekina te titiraki ae moan te kakaawaki: I roko mai ia? Bokin tera ngkai I mena ikai? N na

nakea ngkana I kiitana te maiu aei? Ni kabane taan matakua ingainga ni kan ongo te kaeka, ni kabane a bane ni katokai mataia iaon te tikuriin. Kabwarabwaraan te maiu imwain te maiu aei e a kaotaki, n airi ma kabwarabwaraan bukin rokora n te aonaaba. Ti Kakoaua te namakin are ti rootaki iai ni kiitanan te maiu aei iroun te tibu te mwaane ae e a kara ao kaitibonna ae mimitong ma naake e tangiriia ake a kawaria n te aonaaba n Tamnei

Ni banen kaotan tamaroan tamnein ana baire Tamara are i Karawa ibukira, te koraki a otinako ni karaurau, are angina a bane n rootaki man te rongorongo are kaotaki. Te iruwa ae kairake are e tekateka irarikiu e aki teirake. I titiraki ngkana e kukurei n te tamnei ae nooria. Ana kaeka ae korakora: "Aio bon te koaua!"

Ana baire Tamara ibukin Kukureira

ao kamaiuara e tibwaaki irouia ara mitinare ni kabuta te aonaaba. Tiaki ni kabane ake a ongo te rongorongo aei mai karawa ake a butimwaia ao ni kakaitau iai. E ngae n anne, mwaane ao aine n taabo nako, n ai aron rao-raou ae kairake n te Kamataku i Niu Ioki, e ata koauana, ao a matoatoa n rineia bwa a na ira te kawai are e kai-riia ni kamanoia nakon mweengaia. Maiuiia a bitaki n aki toki.

"E bon kakaawaki n te babaire ni kamaiu ara tia kamaiu, Iesu Kristo. N akean ana anganano ni kamaiu, ni kabane aomata a na bane ni bua n tamneia. E bon aki tau, e ngae n anne, tii Kakoaua ma Ana mition. Ti riai ni mwakuri ao n reirei, ni kakae ao n tataro, n rairananora ao ni kekeiaki. Ti riai n ataa ana tua te Atua ao ni maiuakin. Ti riai ni karekei Ana otenanti ni kamaiu. Ti man karoan aei ti na karekeia te kukurei ae koaua ae akea tokina.

Ti kakabwaiaki ngkai ti *karekeia* te koaua. Iai tibwangara n *tibwa* te koaua. Ti na *maiukina* te koaua, bwa ti na kona ni karekei ni kabane ake e katauraoi ibukira ni kabane Tamara. Bwaai ni kabane ake e karoai bon ibukira. E katanoata te Atua, bwa aio au mwakuri ao mimitongiu e na uota te aki mamate ao te maiu are akea tokina nakoia aomata (Moses 1:39).

Mai kabin nanou ao au nanorinano ni kabane, I kakoaua te bwaintangira ae korakora are bon ana babaire Tamara ibukira. Bon teuana te kawai ae kororaoi nakon te rau ao te kukurei n te aonaaba aei ao ae e na roko.

Tariu ao mwaaneu, I katuka nakomi au tangira ma au kakabwaiia ngkai I a kainai, ao I karoia n aran ara Tia Kamaiu ao te Tia Kabooira, Iesu Kristo, amen.

BWAII AIKA A NA TARAAKI
1. Mote 1:39.